

Sinar Harian 17/4/2019 m/s 12

PPM tangkap nelayan Indonesia, rampas bot

PELABUHAN KLANG - Pasukan Polis Marin (PPM) menahan sebuah bot bersama nelayan warga asing menerusi Ops Gelora, di Pulau Ketam, di sini, semalam.

Pegawai Pemerintah Markas Operasi PPM Pelabuhan Klang, Deputy Superintendan Khairuddin Jamal berkata, operasi kira-kira jam 11.30 pagi itu berjaya mengesan sebuah bot kelas A dalam keadaan mencurigakan.

Menurutnya, pemeriksaan kemudian menahan tiga warga Indonesia melibatkan seorang tekong serta dua awak-awak berusia 34

hingga 48 tahun.

"Semakan mendapati, ketiga-tiga warga asing ini gagal mengemukakan dokumen pengenalan diri yang sah serta lesen bot.

"PPM telah bertindak merampas bot dengan peralatan seperti set GPS dan rawai serta kira-kira 10 kilogram ikan," katanya kepada *Sinar Harian*, semalam.

Beliau berkata, dianggarkan keseluruhan nilai rampasan bernilai RM45,100.

Katanya, siasatan masih dijalankan dan kes disiasat mengikut Akta Perikanan 1985 dan Akta Imigresen.



PPM berjaya mengesan sebuah bot kelas A menerusi Ops Gelora dan menangkap tiga nelayan warga Indonesia, di perairan Pulau Ketam semalam.